



Republika e Kosovës  
Republika Kosova-Republic of Kosovo  
*Qeveria –Vlada - Government*

*Ministria e Arsimit, Shkencës, Teknologjisë dhe Inovacionit*  
*Ministarstvo obrazovanja, nauke, tehnologije i inovacije - Ministry of Education, Science,*  
*Technology and Innovation*

*Kabineti i Ministrit /Kabinet Ministra / Cabinet of the Minister*

Numër: 01B-128  
Datë: 20.09.2023

Ministrja e Arsimit, Shkencës, Teknologjisë dhe Inovacionit, në mbështetje të nenit 8, 10 dhe 11 të Ligjit nr. 06/L-113 për Organizimin dhe Funksonimin e Administratës Shtetërore dhe të Agjencive të Pavarura, (Gazeta zyrtare nr. 7/01 mars 2019), nenit 11 paragrafit 1.5 të Ligjit për Qeverinë e Republikës së Kosovës (Gazeta zyrtare. nr. 34/18 nëntor 2022), nenit 5 shtojca 1 paragrafi 7 nënparagrafi 7.1 të Rregullores (QRK) nr. 14/2023 për fushat e përgjegjësisë administrative të Zyrës së Kryeministrit dhe Ministrive të datës 15.06.2023, nenit 15 paragrafi 3 i Ligjit nr.03/L-149 për Shërbimin Civil të Kosovës, nenit 42 paragrafi 4 dhe 8 i Ligjit nr. 06/L-114 për Zyrtarët Publik, nenit 4 paragrafi 1 i Ligjit nr. 06/L-046 për Inspektoratin e arsimit, nenit 52 paragrafi 1 nënparagrafi 1.1 dhe 1.2 dhe neni 53 të Ligjit nr. 05/L-031 për Procedurën e përgjithshme administrative (Gazeta zyrtare e Republikës së Kosovës / nr. 20/21 qershor 2016) dhe opinionit ligjor të Departamentit për Menaxhimin e Zyrtarëve Publik (DMZP) nr.860 të dt. 01.08.2023 nxjerr:

### V E N D I M

#### Për shfuqizim të Akt emërimit

1. Shfuqizohet Akt emërimi i dt. 03.10.2016, i z. Dëfrim Gashi, në pozitën: Drejtor i përgjithshëm i inspektoratit të arsimit.
2. Obligohet njësia përgjegjëse, Departamenti për Menaxhimin e Zyrtarëve Publik (DMZP), të bëjë sistemimin e tij.
3. Vendimi hyn në fuqi dhe ka efekt juridik me nënshkrimin e tij.

### A r s y e t i m

Pas analizimit të opinionit ligjor të Departamentit për Menaxhimin e Zyrtarëve Publik (DMZP) nr.860 të dt. 01.08.2023, legjislacionit përkatës të Shërbimit Civil dhe Akt emërimit të dt. 03.10.2016, me afat të pakufizuar, janë identifikuar parregullsi dhe shkelje esenciale të dispozitave ligjore, si dhe zbatim të gabuar të së drejtës materiale, respektivisht Ligjit nr.03/L-



149 për Shërbimin Civil të Kosovës, sa i përket emërimit dhe kohëzgjatjes së marrëdhënies së punës, mandatit të z. Dëfrim Gashi, në pozitën: Drejtor i përgjithshëm i inspektoratit të arsimit.

MASHTI përmes shkresës së dt.08.06.2023 me nr.ref.01B-065, ka kërkuar opinion ligjor nga DMZP në kuadër të Ministrisë së Punëve të Brendshme, lidhur me Akt emërimin e dt.03.10.2016 të z. Dëfrim Gashi, i emëruar në pozitën e Drejtorit të përgjithshëm i Inspektoratit të arsimit dhe mandatit të tij.

Me datën 01.08.2023, DMZP ka dhënë opinion ligjor me nr.860, me të cilin ka konstatuar se Akt emërimi i dt.03.10.2016, i z. Dëfrim Gashi në pozitën e Inspektoratit të Arsimit në MASHTI është i kundërligjshëm. Gjithashtu, ka konstatuar se është përgjegjësi e MASHTI-t të ndërmerr veprime dhe masa të nevojshme për vendosjen e ligjshmërisë për rastin e pozitës së Drejtorit të Inspektoratit të Arsimit.

Emërimi dhe mandati i Drejtorit të Inspektoratit të Arsimit nuk është i rregulluar shprehimisht me Ligjin nr.06/L-046 për Inspektoratin e arsimit, pasi që neni 4 paragrafi 1 i këtij Ligji përcakton, citojmë “Inspektorati i arsimit është organ ekzekutiv qendror për sigurimin e cilësisë në varësi të drejtpërdrejtë të Ministrit të MASHTI”.

Sipas kësaj dispozite për stafin e inspektoratit të arsimit janë zbatuar dhe zbatohen dispozitat e legjislacionit civil (Ligji nr.03/L-149 për Shërbimin Civil të Republikës së Kosovës dhe Ligjit nr.06/L-114 për Zyrarët Publik).

Gjithashtu, neni 2 paragrafi 2 i Ligjit për Zyrarët Publik, përcakton citojmë “nëpunës civil – është zyrtari publik në kuadër të Shërbimit Civil i cili ushtron detyrën në një pozitë duke filluar nga zyrtari profesional deri në pozitën e Sekretarit të përgjithshëm në Administratën e Presidentit, në Administratën e Kuvendit, në Zyrën e Kryeministrit, në Ministri, në Agjenci Ekzekutive, në Agjenci dhe në një degë lokale të tyre, në Administratën e institucioneve të sistemit të drejtësisë, në institucion të pavarur, në Agjenci të Pavarur, në administratën komunale dhe çdo nëpunës i përcaktuar drejtpërdrejtë me Ligj të veçantë”.

Andaj, në bazë kësaj dispozite ligjore, drejtori dhe stafi i inspektoratit të arsimit janë nëpunës civil dhe marrëdhënia e punës së tyre rregullohet me Ligjin nr. 06/L-046 për Inspektoratin e arsimit.

Akt emërimi i dt. 03.10.2016, i nënshkruar nga Alush Istogu, ish-u.d. i sekretarit të përgjithshëm në MASHTI, është i paligjshëm, sepse është në kundërshtim me nenin 15 paragrafi 3 të Ligjit nr.03/L-149 për Shërbimin Civil të Kosovës, i cili përcakton se mandati për pozitën e larta drejtuese është 3 vjeçar. Gjithashtu, është në kundërshtim me nenin 42 paragrafi 4 i Ligjit nr. 06/L-114 për Zyrarët Publik, pasi që kohëzgjatja dhe mandati i pozitave të larta drejtuese është me kohë të caktuar.

Meqë, z. Dëfrim Gashi, në pozitën: Drejtor i përgjithshëm i inspektoratit të arsimit, ka qëndruar nga viti 2016 në këtë pozitë dhe meqë është konsumuar mandati i përcaktuar me legjislacionin në fuqi, shfuqizohet Akt emërimi i dt. 03.10.2016 dhe z. Gashi lirohet nga pozita e Drejtorit të përgjithshëm të inspektoratit të arsimit, por nëpunësi vazhdon të gëzojë të drejtën e pagës për pozitën e nivelit të lartë drejtues për periudhën 3 mujore.



Andaj, me qëllim të vendosjes së ligjshmërisë lidhur me emërimin dhe mandatin e Drejtorit të përgjithshëm të inspektoratit të arsimit, në përputhje me dispozitat ligjore të lartpërmendura, u vendos si në dispozitiv të këtij vendimi.

**Vendimi u dërgohet:**

1. Z. Dëfrim Gashi;
2. Zyrës së SP/MASHTI
3. Kabinetit të Ministres/MASHTI;
4. Inspektoratit të arsimit;
5. Divizionit të BNJ /MASHTI;
6. Arkivit/MASHTI.

  
Arbërie Nagavci, Ministre

**Këshilla Juridike:** Kundër këtij vendimi pala e pakënaqur mund të ushtroj ankesë në Këshillin e Pavarur Mbikëqyrës në afat prej tridhjetë ditësh (30), nga dita e pranimit të vendimit.